

滿洲名臣傳

十二上



庫文閣內		漢書
三函架	二二〇五號	

庫文閣內		滿洲
二二〇五		
內閣文庫		
番號	漢	2305
冊數	160 (23)	
函號	290	43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

滿洲名臣傳卷十二

棟阿魯 馬光輝 阿爾沙湖 布善

綽拜 楊名高 羅縉錦 伊勒都齊

布丹 法譚 康喀勒 圖喇 明安

伊巴罕 瑪哈達 多爾濟達爾罕

綽和諾 富喀神 郭廷佐 哈什屯

孫達哩 瓦爾喀 衮楚克圖英

薩弼圖 博爾輝 安珠瑚

棟阿賚列傳

滿洲名臣傳卷十二

棟阿賚滿洲廂白旗人姓蒙郭氏初任護軍
忝領

太宗文皇帝天聰八年隨都統阿山征明錦
州敵列營城南山岡棟阿賚先衆冲擊被其
步兵營崇德三年隨貝勒岳託征明由墻子
嶺入邊擊敗明總督吳阿衡軍五年隨豫親
王多鐸圍錦州設伏擊敗塔山援兵六年四
月隨鄭親王濟爾哈朗圍錦州我軍分伏於
錦州南山西岡及松山北嶺而令前鋒兵誘

明援兵之自杏山至松山者敵至棟阿賚率
衆奮擊斬獲無算又破敵營於松山北岡九
月大軍圍明總督洪承疇巡撫邱氏仰等於
松山城城內兵逸出棟阿賚率兵追擊殲之
敵步兵乘夜出城犯我廂黃旗汛地復奮擊
敗走追越城壕而還八年四月同護軍統領
阿爾津哈寧阿等征黑龍江瑚爾哈部攻克
博和哩諾爾噶勒都里三屯招降大噶勒達
蘇小噶勒達蘇二屯又進圍綽庫禪能吉勒

二屯俘丁壯百人師還

賚貂皮及白金九月隨鄭親王征明寧遠城
內兵出戰棟阿賚率護軍四十人奮擊明兵
遁走遂進克前屯衛城復同護軍統領阿濟
格尼堪布善等攻拔中前所城

世祖章皇帝順治元年正月兼任刑部理事
官二月叙錦州寧遠功予雲騎尉世職四月
隨睿親王多爾袞入山海關敗流賊李自成
二年正月叙功晉世職爲騎都尉三年擢正

黃旗滿洲副都統是年隨順承郡王勒克德
渾征湖廣擊敗自成餘党一隻虎等於荊州
凱旋

賚白金四年正月

命率兵駐防杭州既至遣兵勦滅孝感縣東
柏山土賊時海賊鄭彩等寇掠福建十一月
棟阿賚奉

命同侍郎辰泰統兵征勦五年師至建寧連
敗賊將曹大鎬傅國用張耀星等復建寧府

城及同安平和二縣鄭彩聚賊船千餘踞長樂連江二縣棟阿賚辰泰及副都統李率泰等分兵進擊盡驅出海又勦其餘党於興化擒僞提督顧世臣等十一人斬之其被賊脅從城邑亦皆就撫六年

召還京授都察院叅政兩遇

恩詔並敘平福建功晉世職至一等輕車都尉八年二月卒子棟山襲職

馬光輝列傳

馬光輝順天大興人後隸雁黃旗漢軍初爲明武舉

太祖文皇帝天聰四年隨其兄光遠光先來降授備禦七年予三等輕車都尉世職崇德三年在戶部理事官四年正月以貨官商物三年不償罷任章世職六月增設漢軍官員授光輝雁黃旗副都統五年隨大軍圍明錦州擊敗松山杏山敵兵六年兼任吏部叅政七年隨鄭親王濟爾哈朗攻克塔山城及附

近諸臺復攻克杏山城叙功復三等輕車都尉世職時大軍既取錦州光輝奉

命同都統孟喬芳率入旗漢軍叅領各一往錦州督鑄神威大將軍砲工竣還奏稱

旨八年隨鄭親王征明寧遠以砲攻克中後所前屯衛二城晉世職爲一等輕車都尉順

治元年

世祖章皇帝定鼎燕京六部叅政改稱侍郎光輝仍任吏部四年考滿加一雲騎尉世職

五年隨征南大將軍譚泰討江西叛鎮金聲桓聲桓既伏誅譚泰承

制得便宜除授欲以光輝爲江西提督光輝辭不就旣而譚泰欲以都察院理事官紀國先爲掌印都司國先謂文職不應授武官且云不善者以善置之善者以不善置之天下以亂職是故耳譚泰劾國先因以光輝辭提督事入告部議國先應棄市籍沒光輝應罷任革世職得

旨免國先死籍家產半光輝罷副都統及侍郎任降世職爲騎都尉七年復任副都統八年

上以光輝素著軍功仍予世職爲一等輕車都尉加一雲騎尉遇

恩詔晉爵三等男是年閏二月兼任刑部侍郎五月調戶部侍郎十月授直隸山東河南總督十年九月膠州總兵海時行叛脅鎮標官兵從逆肆掠萊沂間光輝統兵進勦至沂

州時行引賊走宿遷結浮橋渡河我兵乘其猝渡擊之賊多墜水死時行走河南永城光輝同漕運提督沈文奎自靈璧縣趨永城賊踞洪河集西拒戰光輝分兵左右夾擊自午至酉殺賊無算時行窮蹙乞降光輝縛之並縶繫其子弟妻孥及從逆裨將數人以聞得

旨嘉獎下部議叙加一級廕一子入監十一月以疾乞罷

上以其才猷練達慰留之十一年二月
甄別督撫諸臣加光輝太子少保尋再疏以
病乞休

召還京調治十二年七月卒

賜祭葬如例諡忠靖子尔泰襲爵

阿尔沙湖列傳 兄子果尔沁附

阿尔沙湖姓瓦三氏初為察哈尔林丹汗護

衛天聰六年

太宗文皇帝征察哈尔林丹汗竄奔唐古特

阿尔沙湖率所屬四十餘戶渡哈屯河東歸

隸廂白旂蒙古予三等輕車都尉世職崇德

三年十月隨貝勒岳託征明由牆子嶺入邊

屢敗敵乘勝至山東攻克濟南等處明年三

月師還出邊擊敗太平寨敵兵五年同前鋒

統領錫特庫征索倫部斬獲甚眾生擒部長

博木博郭尔及其妻子六年大兵圍明錦州

有松山馬兵劫我紅衣砲阿尔沙湖力戰却

之又敗明提督洪承疇三營步兵論功晋世

職為一等輕車都尉八年卒以兄之子果尔沁襲果尔沁初任佐領崇德元年從

上征朝鮮借侍衛二十人敗敵兵於桃山村世祖章皇帝順治元年隨睿親王多尔袞入

山海關擊敗流賊李自成叙功加一雲騎尉尋授護軍叅領五年擢陌白旗蒙古副都統

屢遇

恩詔晉爵至二等男十七年擢本族都統時明桂王朱由榔竄緬甸而偽晉王李定國偽

登昌王白文選分據孟艮木邦假擁戴由榔為名復集潰眾出掠

上命內大臣公愛星阿為定西將軍率師會平西王吳三桂往征而以果尔沁及都統卓

洛遜塔副之且

敕諭愛星阿凡軍中機宜皆與果尔沁會議而行十八年九月果尔沁隨愛星阿至大理

府秣馬逾月出騰越州取道南甸隴川猛卯十一月師次木邦偵知定國走景線而文選

清史稿卷一百一十一

通摠錫箔江愛星阿令果尔沁及遜塔副軍
統領畢力克圖費雅思哈前鋒統領白尔赫
圖等簡精銳疾馳三百餘里至江濱文選已
毀橋遁走茶山搃兵官馬寧追至猛養文選
窮蹙乞降大軍次舊挽坡緬人以由榔獻乃
旋軍

聖祖仁皇帝康熙三年叙功晉爵一等男兼
一雲騎尉尋列議政大臣八年調本旗滿洲
都統九年二月卒

賜祭葬如典禮諡襄敏子鄂尔輝襲爵

布善列傳子誇扎附

布善滿洲廂紅旗人姓伊尔根覺羅氏工部
叅政烏善之弟也

太宗文皇帝時任護軍叅領兼佐領尋擢護
軍統領列議政大臣崇德五年從征明錦州
偕眾擊敗杏山騎兵六年

上親征松山明摠督洪承疇以兵來犯布善
先眾力戰卻敵時明兵甚眾餉運不繼

上度敵必遁去分

命諸將比翼而列直抵海濱是夜敵果遁諸將相繼截擊布善率兵窮追殲敵無算八年隨鄭親王濟爾哈朗攻克前屯衛復同護軍統領阿濟格尼堪移師攻中前所拔其城世祖章皇帝順治元年隨大兵入山海關擊敗流賊李自成叙功予騎都尉世職二年隨豫親王多鐸征江南卒於軍賜祭塋如例子諡扎襲三遇

恩詔晉世職爲二等輕車都尉順治十七年任護軍叅領尋兼佐領康熙十三年隨定南將軍希爾根討逆藩耿精忠圍撫州府城賊出城抗拒誇扎屢率兵擊敗之賊棄城遁十四年隨安親王岳樂擊逆賊吳三桂党夏國相於萍鄉縣賊衆數萬據山結寨誇扎率兵奮擊大敗賊國相及賊將李良棟等俱棄資械走十七年遷護軍統領十八年擢廂紅旂蒙古都統隨安親王進攻武岡州軍器輜重

由水路進賊據巖溪爲邀截計誇扎率兵馳擊賊卻走時我綠旗兵立營于對岸賊船至集逼營誇扎從陸復援道險及馬不能行乃親率兵步行賊距山梁設鹿角列鎗砲以拒我兵直前攻勦斬獲甚眾賊之在水陸者皆潰竄十九年奉

詔率湖廣兵數千赴廣西隨簡親王喇布勒叛鎮馬承蔭卽叅贊軍事遂敗賊於武寧復其縣乘勝取象州圍柳州馬承蔭率眾降又

進次慶遠府僞將軍饒一龍亦以城降廣西平還京二十一年八月卒二十五年追叙誇扎江西湖南軍功晉世職爲一等輕車都尉子誇什塔襲

綽拜列傳

綽拜姓巴林氏世居葉赫

太祖高皇帝時來歸隸厠白旂蒙古尋管佐領事

太宗文皇帝天命六年以克副任使予騎都

尉世職九年隨護軍統領烏巴海征瓦爾喀部深入額赫庫倫及額圻岳索地俘獲甚眾晉世職爲三等輕車都尉崇德三年兼任戶部理事官是年隨睿親王多爾袞征明由青山口入邊屢擊敗敵眾越燕京畧山東直抵濟南敵騎千餘拒戰綽拜與都統和洛輝先眾奮擊遂克其城七年隨肅親王豪格圍明摠督洪承疇於松山承疇遣兵乘夜越壕犯相黃旗營綽拜擊卻之並墮城壕殲殪無算

八年考滿晉二等輕車都尉

世祖章皇帝順治元年隨大軍入山海關敗流賊李自成二年叙功晉一等輕車都尉四年考滿加一雲騎尉五年授叅領隨征南大將軍譚泰討江西叛鎮金聲桓克復饒州南昌凱旋

賚白金千兩馬四十四七年任倉場侍郎八年二月授廂白旗蒙古副都統二月兼工部侍郎五月遷本旗都統三遇



恩詔晉爵至一等男九年八月以疾解任十
二月卒

賜祭葬如例子奇默格圖襲

楊名高列傳

楊名高遼東人

太宗文皇帝時率族屬百餘人來歸隸廂黃
旂漢軍授佐領尋兼任兵部理事官崇德七
年四月隨鄭親王濟爾哈朗征明攻克塔山
杏山城及附近諸臺論功子雲騎尉世職入

月同副都統馬光輝等往錦州督鑄神威大
將軍砲十月隨饒餘貝勒阿巴泰征明擊敗
明總督范志完兵于渾河橋明年師旋至牆
子嶺復敗敵於南山其年冬隨鄭親王取明
前屯衛中後所二城

世祖章皇帝順治元年叙功晉騎都尉世職
二年任叅領三年擢都察院叅政六年授福
建漳州提督時福建大田一邑為偽新建王
朱由模所踞並連結延平高峯諸寨賊眾為

聲援七年春名高率師進勦破賊石磯嶺由
模闡風遁走永安延平副將王愛臣追獲之
賊渠陳光等踞高峯寨密遣人在德化約賊
党鄭文薦來援名高令副將韓尙亮等率兵
截擊圍其寨賊被圍急從東門突出我兵奮
勇追擊賊陷壕死者半師至大田賊眾四潰
進擊之龍門橋俘賊甚眾擒偽都督郭奇偽
總兵廖明正諸寨悉受撫是年冬又率兵勦
賊邵武賊眾自建寧遁入江西新城縣名高

分兵爲中左右三路而進自與總兵王之綱
殿後直抵賊營追勦三十餘里擒僞寧南伯
洪國玉僞總兵李安民王恒美等獲牛馬鎗
砲無算得

旨下部議叙予紀錄三遇

恩詔晉世職二等輕車都尉九年海賊鄭成
功偕其党鄭森等由廈門出掠連陷長春漳
浦海澄南靖諸邑旋糾眾二十餘萬寇漳州
屯於鳳巢山名高督兵衝擊破之賊退據海

澄所陷長泰諸邑以次克復會成功之父芝
龍疏請以書招降成功

詔允罷兵議撫成功不遵

溪永春德化仙遊諸州縣十二年給事中魏

裔介劾奏名高禦勦怠玩貽悞封疆請

赦處分疏下提督佟岱察核十二年佟岱以

名高調度無方馳援不力覆奏於是草任尋

卒子天福襲世職

羅繡錦列傳 弟繡剛

羅繡錦遼陽人後隸廂藍旗漢軍

太宗文皇帝天聰五年始設六部繡錦由諸

生授工部啟心郎八年

命禮部試滿洲漢人通文義者為舉人繡錦

與選

賜衣一襲免四丁尋授國史院學士纂修

太祖高皇帝寔錄書成得

優資崇德七年兼授佐領

世祖章皇帝順治元年七月擢河南巡撫至
則流賊李自成之黨率眾二萬餘寇掠衛輝
懷慶間而原武新鄉諸邑復有土賊爲患繡
錦同搃兵官祖可法等協力防勦並請
敕發入旗勁旅會豫親王多鐸統師征陝西
上命取道河南相機勦賊諸賊或降或遁繡
錦疏請以河北荒地凡萬餘畝令守兵屯種
得

旨俞允二年十一月擢湖廣四川總督時湖
南郡邑爲明巡撫何騰蛟等所據自成遣黨
一隻虎劉二虎等復寇擾湖北繡錦至荊州
一隻虎率眾犯城順承郡王勒克德渾自江
寧移師擊走之及順承郡王班師賊復窺犯
繡錦飭兵防勦屢奏捷土賊胡公緒踞天門
縣之入百洲糾黨四出焚掠殺署益道周世
慶繡錦遣中軍副將唐國臣署搃兵楊文富
等分路進勦陣擒公緒平毀賊巢四年恭順
王孔有德等征湖廣取長沙衡州寶慶辰州

等府繡錦條奏增設鎮協移兵駐守事宜並
下部議行先是襄陽總兵王光恩與鄖陽道
李之綱互訐賊私下撫按會核光恩獲罪逮
問其弟光泰遂糾眾作亂踞鄖陽提督孫定
遼戰歿

上遣侍郎喀喀木率師自河南進勦繡錦以
兵會之復鄖陽光泰遁四川五年喀喀木將
班師值江西總兵金聲桓叛湖南騷動常德
武岡辰州沅州復爲自成遣党郝振旗馬進

忠所陷繡錦奏留喀喀木駐守荊州而分遣
總兵徐勇馬蛟麟等防守要地屢敗賊眾
上復命鄭親王濟爾哈朗等統師征湖南諸
陷賊郡邑以次恢復繡錦疏言湖南叛服不
常大兵凱旋之後恐餘孽跳梁煽誘降將如
故凡勢窮乞降之眾宜安插腹地以靖疆圉
上嘉納其言九年七月卒於官年六十有三
賜祭葬如例贈兵部尙書廕一子入監弟繪
錦順治八年授通政司理事官十三年擢順

天府府尹十八年遷貴州巡撫康熙四年繪
錦以定例荒地招民間墾種三年後起科復
經戶部定議各省荒地限兩年墾徧過期遣
官履勘因疏言黔省雖開闢數年而連年逆
苗倡亂攻勦頻仍不能不借用民力又復疊
遇水災已熟之田輒多荒棄未墾之地尙事
招徠通計各府衛新墾之地有一萬二千九
百餘畝應照例起科此外請酌寬年限並暫
停遣官履勘疏下部議從之六年十一月以

年老乞休後卒於家

伊勒都齊列傳

伊勒都齊姓莽奇氏世居察哈爾

太宗文皇帝時來歸隸正黃旗蒙古尋授護
軍叅領天聰八年七月

上親統大兵征朔由宣化府入邊伊勒都齊
從率所部攻下十二堡八月班師賞
敕先還以入邊功

諭留守諸貝勒崇德五年六月隨睿親王多

爾衮屯田義州取明騎兵于寧遠九月鄭親
王濟爾哈朗統帥圍明錦州令伊勒都齊與
前鋒統領勞薩等率兵三百設伏高橋北以
縱敵弗擊議罰家財半年復隨鄭親王圍
錦州敵兵自松山來犯爾黃旂汎地伊勒都
齊同護軍統領濟什哈擊卻之八年鄭親王
征明前屯衛以砲攻毀城堞伊勒都齊率本
旂護軍先登取其城叙功予雲騎尉世職
世祖章皇帝順治元年隨大軍入關敗流賊
李自成追至望都是年冬署護軍統領隨豫
親王多鐸勦賊至陝州距潼關立營自成遣
賊眾迎戰賊將劉方亮乘夜劫營伊勒都齊
與護軍統領圖賴奮擊破賊遂克潼關二年
四月豫親王多鐸師定江南至揚州伊勒都
齊同護軍統領圖納岱率兵攻城南獲敵船
二百餘尋隨端重親王博洛征浙江敗明總
兵王之仁等于平湖縣追勦至太湖獲船數
十大兵既定杭州伊勒都齊與前鋒泰領鄂

碩勞罕往偵錢塘江渡口擊敗敵兵三百先是叙入闕破流賊功晉世職爲騎都尉兼一雲騎尉至是叙平江南功晉三等輕車都尉三年隨豫親王征叛逃蒙古騰吉斯等將追及賊衆還戰伊勒都齊與都統阿查先率兵繞出其後俟賊潰遁截擊擒斬甚衆我兵自圖喇河西行喀爾喀部土謝圖汗之子及碩類汗之子各率衆邀戰伊勒都齊列陣奮擊敗之獲馬駝無算叙功晉世職二等輕車都

尉六年隨鄭親王征湖南時明桂王朱由榔之將王進才袁宗第郝永忠等據沅州靖州伊勒都齊同前鋒統領努三護軍統領都爾德副都統金維城率兵由武岡進征破進才賊寨九袁宗第列十寨于洪江南岸伊勒都齊先衆破其五寨賊皆潰遁復分兵進勦郝永忠攻克黎平府永忠竄遁躡跡至永從縣斬級百餘獲馬數百七年四月凱旋得優資八年擢正黃旗滿洲副都統九年兼任

刑部侍郎三遇

恩詔晉爵二等男十年十一月以勸鞫佐領
敦達哩岱斂互許事論敦達哩削職罰鍰敦
達哩訟寃得釋伊勒都齊坐徧徇降爵一等
罷侍郎任十七年以疾解副都統任
聖祖仁皇帝康熙十二年
諭獎久著勞績諸大臣加伊勒都齊太子少
師是年冬逆藩吳三桂反
上命順承郡王勒爾錦帥師赴湖南征討以

伊勒都齊為護軍統領叅贊軍務同前鋒統
領碩岱簡精銳先發十三年二月至荊州賊
陷常德窺武昌伊勒都齊奉

詔防守武昌十四年冬

諭責順承郡王駐師踰年未復湖南郡邑罷
伊勒都齊叅贊十六年四月卒于軍十九年
追諭伊勒都齊守武昌時不勦滅虎渡口賊
寇致太平街失陷降世職為雲騎尉以其弟
之子瑪哈囊

布丹列傳

布丹姓富察氏世居葉赫

太祖高皇帝時來歸隸滿洲正紅旗分轄葉赫人戶授佐領尋兼任前鋒叅領

太宗文皇帝天聰八年從征明大同進攻萬全左衛城先登克之得

優賚予雲騎尉世職九年隨貝勒多鐸征明錦州師旋敵猝追襲都統石廷柱部下兵有被困者布丹破敵陣援之出是時

上別遣貝勒統師由歸化城征明山西布丹旋奉

命統前鋒叅領烏拜等率兵百人往駐上都城舊地偵軍事迎奏捷使偕還崇德元年隨武英郡王阿濟格征明將入邊擊卻敵騎擒其邏卒連破雕鶚嶺長安嶺二城皆督所部先登轉戰至涿州擒斬無算既旋軍敵覬我輜重潛出居庸關設伏邀劫布丹率兵衝擊敵皆潰竄四年同前鋒叅領沙爾虎達等率

上默特兵二百畧寧遠北界以斂騎挑戰敵
堅壁不出仍俘其樵採者以歸五年大軍圍
錦州敵離城築臺布丹同前鋒叅領納海色
赫蘇爾德馳擊斬四十人復追斬出城刈草
者四十一人敵以三百騎一再來犯並擊之
遁尋與納海色赫往小凌河遇明摠兵祖大
壽遣蒙古十七人自錦州至盡斬之六年明
摠督洪承疇集援兵據松山犯我前鋒汎地
布丹偕諸叅領奮戰卻敵追斬十人尋又擊

敗杏山後敵騎七年錦州下叙功晉世職爲
騎都尉是年冬隨饒餘貝勒阿巴泰征明入
黃崖口趨薊州擊敗明摠兵白騰蛟白廣恩
等斬獲甚衆

世祖章皇帝順治元年隨睿親王多尔袞征
流賊李自成敗賊將唐通於一片石遂入山
海關逐賊至安肅及望都屢戰皆捷叙功予
騎都尉加一雲騎尉並世襲罔替遇

恩詔晉一等輕車都尉九年擢任正紅旂蒙

清沙各目傳 卷十一
古副都統十一年十月卒

賜祭葬如例諡勤毅子翊素理襲職

法譚列傳

法譚滿洲正紅旗人姓他塔喇氏初以護軍校從

太祖高皇帝滅葉赫取明遼陽擢任佐領天聰元年從

太宗文皇帝征明寧遠敗明兵於城北山岡七年以克副任使予騎都尉世職崇德三年

隨貝勒岳託征明自牆子嶺入敗密雲步兵
趨山東攻克郟城縣四年冬隨承政薩木石
哈索海等征瑚爾哈部攻克雅克薩城五年
春先還奏捷六年大兵圍錦州明總督洪承
疇據松山以兵犯我右翼法譚隨肅親王豪
格率兵擊卻之既而大兵圍松山敵復犯我
前鋒汎地爲我軍所敗將奔塔山法譚復偕
眾追擊明兵赴海死者無算八年隨鄭親王
濟爾哈朗征寧遠攻克前屯衛中後所二城

世祖章皇帝順治元年任叅領隨睿親王多
爾袞入山海關以步兵擊敗流賊李自成叙
功加一雲騎尉尋兼任工部理事官二年冬
隨順承郡王勒克德渾征湖廣明年李自成
遣其党一隻虎犯荊州法譚直入賊營多斬
獲追擊之至宜昌自成弟李孜及偽磁侯田
見秀偽義侯張耐等俱率眾降四年考滿晉
三等輕車都尉五年擢右翼步軍統領三遇
恩詔晉世職至一等輕車都尉兼一雲騎尉

康熙元年以病致仕三年卒

賜祭墓如典禮分世職為二以其子鄂德襲
三等輕車都尉色勒壁襲騎都尉又一雲騎
尉

康喀勒列傳從兄子和托瑪拉兄孫通

康喀勒姓納喇氏輝發貝勒旺吉努之孫也
太祖高皇帝時隨其從兄通貴率族屬來歸
隸滿洲廂紅旗授佐領

太宗文皇帝天聰六年從征察哈尔部八年

正月

上聞察哈尔林丹汗逃竄其部眾流散于錫爾哈錫伯圖之地

命康喀勒與岱青塔布囊等率蒙古及外藩駐牧兵取之所獲甚眾五月以克副任使予騎都尉世職崇德三年兼授刑部副理事官五年擢廂紅旗蒙古副都統六年隨大軍征明錦州及松山七年松山錦州皆下復隨鄭親王濟爾哈朗攻克塔山城尋追論攻松山

時退縮不前克塔山後與都統葉臣爭功罪應死

上宥之令戴罪立功

世祖章皇帝順治元年隨睿親王多爾袞入山海關擊流賊李自成有功加雲騎尉尋隨豫親王多鐸征江南同都統準塔自徐州水陸並進師次清河明摠兵劉澤清遣部將馬花豹張思義等率戰艦千餘兵數萬據黃淮口康喀勒同遊擊范炳吉天相等發砲毀其

舟又分兵兩路追擊澤清遁走遂克淮安時
明搃漕田仰遁踞湖口橋康喀勒同副統
譚布進擊敗其兵卒三千又取之於三里橋
追至海岸獲船八十又連敗田仰兵于如臯
縣還攻通州以雲梯克其城招降附近縣邑
二年十一月授鎮守江寧副都統時江北賊
寇未靖江寧城中奸徒謀應之康喀勒同駐
防搃管巴山先期捕誅倡亂者三十人已而
偽潞安王朱誼石糾衆二萬餘三路來犯皆

爲我軍擊敗遁去三年叙功晉職三等輕車
都尉世襲罔替四年卒子洛多哩襲職康喀
勒從兄之和托順治元年任前鋒叅領隨
大軍敗流賊李自成於潼關移兵征江寧復
隨貝勒博洛征浙江擊敗明搃兵方國安等
於杭州進征福建所向克捷攻汀州率衆先
登克其城叙功予雲騎尉世襲罔替遇
恩詔晉騎都尉兼一雲騎尉十一年隨征雲
南敗偽鞏昌王白文選兵生擒十一人獲馬

四十進取永昌率兵往奪瀾滄江之鐵索橋
敗賊步兵康熙九年卒子華善襲職和托弟
瑪拉順治十二年以三等侍衛署叅領隨都
統伊勒德征復舟山有功尋隨世子濟慶征
海賊鄭成功至福建同護軍統領穆成額敗
賊于泉州府斬七百餘級十六年隨安南將
軍達素征鄭成功於廈門得頭等功牌康熙
十一年華善卒無子以瑪拉襲和托世職二
十二年卒子鄂色襲康喀勒兄之孫通嘉初

襲其父莽佳三等輕車都尉世職順治十八
年山東土賊于七踞棲霞縣之岬嶠作亂通
嘉以護軍叅領隨靖東將軍濟什哈往征賊
党呂思曲俞三等數千一再來犯通嘉同營
搃察哈泰擊之屢捷擒平賊巢康熙六年改
前鋒叅領十四年隨信郡王鄂托征察哈尔
布尔尼師至達祿賊豫設伏山谷間比戰伏
發通嘉率所屬迎擊盡殲其伏復進擊賊眾
大敗之布尔尼僅以三十騎遁叙功加一雲

滿洲各臣傳 卷十一
騎尉後緣事削去十七年擢廂紅旗滿洲副都統十八年遷護軍統領由陝西進征逆藩吳三桂敗逆党譚洪三萬眾於四川雲陽縣叙功列二等二十三年改本旗蒙古都統二十四年卒子瑪琦襲職

圖喇列傳

圖喇滿洲正黃旗人姓舒穆祿氏世居瑯春初任兵部筆帖式
太宗文皇帝崇德七年隨饒餘貝勒阿巴泰

征明山東攻泗水縣流矢中目戰愈力攻新泰等城奮勇爭先

世祖章皇帝順治元年隨豫親王多鐸征陝西二年復隨征江南七年擢兵部主事兩遇恩詔予騎都尉世職十二年擢兵部郎中十三年隨都統伊勒德征舟山偽伯阮思率巨艦百餘拒戰圖喇與副都統根特擊敗之阮思復糾其党陳六御張洪德等合兵三萬餘犯我舟師圖喇與副都統柯永素連破其軍

圖喇中砲傷手足舟山既平叙功加一雲騎尉十八年山東土賊于七倡亂

聖祖仁皇帝命圖喇同郎中察奇至棲霞逮鵠賊党時于七踞棲霞之岨隅山其党段忠續林萬鵬龐應魁高起英各擁眾数千分踞鰲山潛結棲霞城中奸党為內應圖喇邏獲賊謀二人詰之盡得賊情適靖東將軍濟什哈率師抵萊陽圖喇遣使納濟什哈調綠旗兵七百疾馳至棲霞獲城中從賊者三百餘

人遂趨鰲山忠續萬鵬等聞風遁擒賊党六十餘獲牲畜以數百計尋偕察奇還京擢大理寺少卿康熙二年五月授駐防杭州副都統十月同總督趙廷臣至定海招降海賊鄭錦之偽靜波將軍阮美及偽官一百二十餘員兵二千九百餘名七年擢杭州將軍十三年三月逆藩耿精忠叛圖喇奉

詔與總督李之芳提督塞白理率滿漢官兵相機防勦尋以都統賚塔為平南將軍赴衢

州禦賊

命圖喇駐守杭州兼防海疆六月疏言杭州兵少請增兵協守

詔移江南綠旗兵五千駐杭州又疏請杭州增設防禦每旗各一員下部議如所請尋以病還京十月卒

賜祭墓如例子明德襲職

明安列傳

子昂洪多尔濟孫鄂齊爾附

明安姓博尔濟吉特氏初為蒙古烏魯特部

貝勒

太祖高皇帝天命二年遣使獻駝馬七年率所屬人戶來歸子三等子爵別立烏魯特蒙古一旗

太宗文皇帝天聰三年同都統武納格額駙恩格德尔等率滿洲蒙古兵征察哈尔降其邊境二千戶五年從

上征明圍大凌河城明總兵祖大壽以兵出犯我臺堡明安同都統和碩圖等率兵夾擊

海州卷十一

大敗之既而我軍偽為明兵赴援狀以誘大壽出戰明安同兩翼都統齊進奮擊大壽敗卻尋率眾降明安得

優賚六年從出在察哈尔師還以俘獲數少又弗即遵

諭歸隸戶籍且擅以官牛與其下蒙古及私匿在逃蒙古二人諸罪部議應革世職罰鍰奪俘獲人口及

賜物

日中
日中
日中

日中
日中
日中

天德三年

